



Igls meis da zarcladour e fanadour 2021 ò la suprastanza communal tracto tranter oter igls affars suandonts:

Fatgs generals, fatgs da personal, economia e provedimaint d'energeia

- Delibero la posiziun davart la revisiun parziala dalla lescha digls dretgs politics pertutgont l'introducziun da votaziuns an scretg sainza costs da porto, per mangs dalla canzleia cantunala.
- Fixo igls termins per las proximas elecziuns communalas 2021 per l'elecziun da 2 commembers da suprastanza e dad 1 commember dalla cumischung da gestiun sen igls 26 da settember (1. scrutini) e 28 da november 2021 (2. scrutini). Las propostas electoralas pon neir inoltradas anfignen igls 26 d'avost 2021.
- Approvo igl protocol dalla davosa radunanza communal digls 21 da zarcladour 2021 ed igl delibero per l'exposiziun publica da 30 deis.
- Eligia Bettina Bergamin-Eyholzer, Savognin, aint igl cunsegl da fundaziun dalla Biblioteca populara Savognin. Ella ramplazza Maria Capeder Farrér.
- Decidia da sustignair venavant la promoziun d'unfants e giuvenils Surses ed an chel senn prolongo la cuvagnientscha da prestaziun cun l'uniun "Lollypop-Galaxys/Nido del Lupo" per ulteriours treis onns anfignen igls 31 da december 2024.

Turissem

- Decidia da conceder en credit da 82'300.00 francs per la realisaziun digl project «Landwasserwelt» dalla Regiun Alvra, tenor clav da repartiziun fixo digls cumegn dalla regiun.

Siertad publica e traffic

- Decidia sen dumonda dalla PostAuto SA da denominar las farmadas da posta tar las pendicularas e la scola da skis a Savognin da maniera bilinga, vot deir rumantsch e tudestg.
- Decidia d'incumbensar igl biro d'inschignier e planisaziun Hartmann & Monsch SA, Parpan, d'elaborar en concept da traffic e parcar per igl cumegn da Surses.
- Delibero la lescha davart la protecziun dalla populaziun pigl cumegn da Surses per mangs dalla radunanza communal.

Fatgs da biagier, planificaziun digl territori e planisaziun locala

- Delibero igl sboz digl concept da spazi regional cun propostas per midadas per mangs dalla conferenza da mastrals dalla Regiun Alvra.
- Decidia d'incumbensar l'architecta Nina Bühlmann digl biro Anaïs Architektur a Turitg cun la preparaziun dalla concorrenza an connex cun igl project d'investiziun "construcziun tgesa da scola nova Grava a Savognin". L'architecta vign ad accompagnar igl project anfignen la fegn dalla procedura dalla concorrenza da planisaziun.
- Decidia da perseguir igl project per l'amplificaziun digl local da pumpiers existent a Beiva cunaint igl center da Beiva, cun midar igl diever dall'anterioura scola.
- Decidia d'incumbensar Willi Cajochen d'evaluar igl li incl. stema da costs per la construcziun d'en luvratori communal. Scu lis pussebels ins ò defino la zona a Davos Fallung, Savognin, ed en stabilimaint existent ainten la zona d'industria Gravas a Cunter.
- Decidia da prancepi da sustignair igl project dalla Uffer SA da realisar abitaziuns per personal sen igl areal dalla telecabina viglia a Savognin, an possess dalla Pendicularas Savognin SA.